



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Replica Ioan. Eckii Adversvs Scripta secunda Buceri  
apostatæ super actis Ratisponæ**

**Eck, Johannes**

**Ingolstadii, 1543**

**VD16 E 416**

Bucer fatetur suos ex cessisse & lapsos.

**urn:nbn:de:hbz:466:1-30106**

de vana est & irrita exhortatio sua, qua omnem causam & culpam grauissimæ iræ dei in catholicos refertur non in suos apostatas, & ecclesiæ rebelles!

Accusationem adfert catholicorum aduersus Lutheristas, quia multa mouerint in ecclesia, quæ præstabat non attingisset qua audacia populus solutus sit & disciplina & sacrorum reuerentia. Et fatetur eos aliqua ex parte in hoc crimine hæerere: at in quo deliquerant, non erant amarum criminibus perpetuo exagitandi. Hæc suscepimus, at mox vipera ad maledicentiam conuertitur, quia nõ habemus synceram partem ministerij, prorsus iacere doctrinam, vmbra superesse disciplinæ, foueri superstitiones & idololatrias & sacrilegia, ac peruersionem religionis defendi. Quæ vitia cum tam aperte sint in moribus Lutheranorum, quis nõ rideat, quod suorum crimina in Christi fideles & catholicos refert, sicut lupus Aesopicus in innocẽtem agnum reijcit! Quam vere dixit Saluianus: In tantum hæretici se catholicos esse iudicant, vt nos ipsos titulo hæreticæ appellationis infament. Sic Donatistæ se iactabant catholicos ac partem Augustini & ecclesiæ dicebant hæreticam. Ideo non est nobis curæ, quid de se testetur hæreticus. A fructibus eius cognoscimus eum iuxta Christi doctrinam, quoniam nititur homines à vera religione & ecclesia catholica auocare, ea quæ cum Christo & euangelio consentiunt, repudiare: ea vero quæ ab hæreticis patriarchis suis constituta sunt, licet incinerata & sepulta, iterum restituere. Hoc tamen vere dicunt: ubi ego impegi, ibi & plures symmistas meos impegisse non dubito.

Pollicetur suam operam ad instaurandam sanctorum communionem, & restituere ecclesiæ disciplinam. Quis hic risum cõtineat, etiam agelastos, dum probri plenus ac scelerum semẽ promittit erigere, quæ manibus & pedibus molitur destruere? Lutherũ denuo nobis vellet pro membro

F eccles

Fatetur  
Lutherao  
nos exceſ  
ſiſſe.

Fol. 22

Fatetur se  
& suos la  
pſos.



ecclesiæ inferere. Abeat, abeat, non inter oues admittimus  
lupum.

Luthera-  
ni nō unū  
3. Cor. 1

Extra ec-  
clesiam di-  
uisi.

Fol. 21

Non obe-  
diunt Pa-  
pæ.

Osez 4

Cuperet apostata, vt ex suis Lutherienſibus & catholi-  
cis vnum ſiamus, quia inquit: Cogitemus quicquid in  
Christo non vnum est, id nec Christi esse idonee. At tunc  
vos non estis vnum, nec nobiscum, nec inter vos. Itaque  
non estis Christi, quia non acquiescitis apostolicæ doctrī-  
næ, quæ ait: Obsecro vos fratres per nomen domini no-  
stri Iesu Christi, vt id ipsum dicatis omnes, & non sint in  
vobis schismata: sitis autem perfecti in eodem sensu, & in  
eadem scientia. At vos Lutherani estis contentiosi & diui-  
si. Ille est Lutheri, alter Zuinglij, alius Parabaptistæ, &c.  
Non est digamus Christus, vnam habet sponsam sanctā  
ecclesiam catholicam. Non vult pellices hæresum & zara-  
ſas. Non adduco, quæ Calcearius discipulus Carlſtadij ad-  
duxit Orlamundi contra Lutherum, cui non respondit.  
Reſtitui petit Bucer vnionem veram inter eos, qui domini  
ſuntrat primo non admittimus schismaticos esse domini,  
quia neque ad sponſum pertinet, neq; ad spōsam, quia sunt  
membra putrida præſciſa ab ecclesia. Dein quam quærit cō-  
uentionem inter Christum & Belial: abiuret hæreses, & res-  
deat ad ecclesiam, mox erit pax & cōcordia hominibus bon-  
næ voluntatis. Ampullosis verbis petitis colligi oues disper-  
ſas & dissipatas: quoties hoc tentauit pontifex, quid omi-  
ſit, vt vos colligeret & reduceret ad ouile Christi? Sed vt  
Christus ait de Hierusalem: Quoties volui congregare fili-  
os tuos & noluiſti: ſemper estis rebelles, pertinaces, obſtina-  
ti, & paternis admonitionibus paſtoris non vultis acquie-  
ſcere, nec reuerendiſſimorum patrum ſedis apoſtolicæ lega-  
torum monita vtiliſſima ſuſcipere, ſed eos repuliſti. Ideo  
iure diceret vobis ſed, apoſt. cum Oſea: Quia tu ſcientiam  
repuliſti, & ego repellam te, ne ſacerdotio fungaris mihi.  
Prætereo quod iniurijs, conuitijs, calumnijs, deſpectu &  
con-